



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-481/10
Sarajevo, 29.3.2010. godine

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
PRIMLJENO:	30.03.2010		
Organizacioni jedinica	Klasifikacija	Redni broj	Broj priloga
01-50-1-15-70/10			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 117. sjednici održanoj 25.3.2010. godine, utvrdilo je Odgovor na zastupničko pitanje koje je postavio gosp. Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-418/10
Sarajevo, 29.3.2010. godine

Šefik Džaferović, poslanik u Predstavničkom domu Parlamentarne skupštine Bosne i Hercegovine, na 70. sjednici Predstavničkog doma održanoj 21. januara 2010. godine, postavio je sljedeće poslaničko pitanje:

"Šta poduzima Vijeće ministara BiH kako bi se u Bosni i Hercegovini pristupilo sinhronizovanoj aktivnosti na odlaganju i uništavanju tvrdog otpada (smeća), kako bi se konačno počela štititi životna sredina u BiH? Da li Vijeće ministara planira pokrenuti širu akciju na čišćenju vodotoka nakon posljednjih poplava u BiH?"

Na postavljeno poslaničko pitanje, Vijeće ministara Bosne i Hercegovine je na 117. sjednici održanoj 25. 3. 2010. godine, utvrdilo sljedeći

ODGOVOR

Zahvaljujemo se na pitanju koje ste uputili Vijeću ministara Bosne i Hercegovine, a odnosi se na zaštitu okoline. Na taj način ste još jednom ukazali na to da se Bosna i Hercegovina susreće sa ozbiljnim problemima u oblasti zaštite okoline, a posebno zbog toga što nas očekuju velike obaveze u procesima pristupanja EZ u oblasti okoline.

U skladu sa Ustavom Bosne i Hercegovine, zaštita okoline je u nadležnosti entiteta i distrikta Brčko BiH, koji reguliraju ova pitanja svojim propisima. Na nivou oba entiteta, te Brčko distrikta BiH donesen je set okolinskih zakona.

Ministarstvo vanjske trgovine i ekonomskih odnosa je nadležno za obavljanje poslova i zadataka iz nadležnosti BiH koji se odnose na definiranje politike, osnovnih principa, koordiniranje djelatnosti i usklađivanje planova entitetskih tijela i institucija na međunarodnom planu u području zaštite okoline i itd.

Strateški planovi i programi neophodni su za razvoj odgovarajućeg zakonodavstva i institucionalnog okvira za pitanja životne sredine. Bosna i Hercegovina nema nijedan okolinski strateški dokument usvojen od strane zakonodavne i izvršne vlasti na državnom nivou. U praksi se operira sa dokumentima koji moraju biti revidirani, dopunjeni novim zahtjevima iz EZ, te usvojeni u institucijama vlasti, a među njima je i Strategija upravljanja čvrstim otpadom iz 2000. godine.

Prema Federalnom Zakonu o upravljanju otpadom („Sl. Novine FBiH“, br.33/03) i Zakonom o upravljanju otpadom Republike Srpske (Sl. Glasnik RS“, br.53/02), upravljanje otpadom na nivou entiteta i lokalnih zajednica rješava se izgradnjom regionalnih sanitarnih deponija. Donošenjem ovih zakona, propisa i pravilnika učinjen je značajan korak u približavanju evropskoj regulativi u

ovoj oblasti, čime se osigurava kvalitetnije upravljanje otpadom. Proces se treba nastaviti donošenjem podzakonskih propisa, posebno za određene vrste otpada.

Odlagališta na kojima komunalne firme zbrinjavaju otpad uglavnom su „smetljišta“, odnosno prostori na koje se bez ikakve obrade u prirodi ostavlja komunalni otpad. Pored „smetljišta“ u Bosni i Hercegovini postoji i preko dvije hiljade divljih odlagališta otpada. Sva ova divlja odlagališta i smetljišta je potrebno u BiH je potrebno zatvoriti a paralelno izgraditi regionalne sanitarne deponije – centre u skladu sa EZ standardima.

U Bosni i Hercegovini upravljanje otpadom je jedna od prioriternih oblasti. Ministarstvo vanjske trgovine i ekonomskih odnosa BiH koordinira čitav niz aktivnosti kao što su: priprema, koordinacija i implementacija projekata (IPA, prekogranične saradnje, bilateralnih donatora, i onih finansiranih kreditima razvojnih banaka itd).

Trenutni izvori (kredit Svjetske banke, u nastavku navedeni projekti i budžetska sredstva pojedinih kantona itd.), nisu dovoljni za potpunu realizaciju koncepta integralnog upravljanja otpadom.

U okviru projekta Svjetske banke „Upravljanje komunalnim otpadom“- prva faza (kredit), u Bosni i Hercegovini izgrađene su četiri regionalne sanitarne deponije na kojima su primjenjene moderne svjetske tehnologije s perspektivom izgradnje sistema mehaničko – biološke obrade. Izgrađene sanitarne deponije su u: Sarajevu, Zenici, Bijeljini i Banja Luci. U drugoj fazi projekta Svjetske banke planirana je uspostava još šest sanitarnih deponija: Mostar, Livno, Goražde, Tuzla, Bihać i Visoko. Uspostavom ovih regionalnih, sanitarnih deponija stvorit će se preduslovi za izgradnju mreže regionalnog zbrinjavanja otpada, što je i ranije potvrđen strateški cilj Bosne i Hercegovine. IPA – 2008 projekat finansiran od strane Evropske Komisije, odnosi se na izradu studija izvodljivosti i EIA za izgradnju budućih šest sanitarnih deponija. To je sinergijski projekat sa drugom fazom projekta Svjetske banke i trenutno je u procesu pripreme za implementaciju. Putem CARDS programa, Evropska Komisija je finansirala: rehabilitaciju smetljišta u Kneževu i Trebinju, izgradnju postrojenja za reciklažu na sarajevskoj deponiji, izgradnju uređaja za dezinfekciju medicinskog otpada u Doboju i izradu tri regionalna plana upravljanja otpadom (Doboj, Tešanj, Livno i Trebinje). U toku je implementacija SIDA Općinskog programa upravljanja otpadom u BiH u koji su uključene početne pilot regije Zenica i Bijeljina. JICA će pružiti tehničku pomoć Bosni i Hercegovini u izradi Strategije za upravljanje opasnim otpadom. Sve ove do sada učinjene aktivnosti su koraci do uspostavljanja Integralnog upravljanja otpadom.

Činjenica je da se u našim školama vrlo malo uči o problemima okoliša, a okolišnog odgoja skoro i nema. Upravo je sticanje znanja o okolišu prvi korak ka rješavanju okolišnih problema.

U Bosni i Hercegovini je potrebno stvoriti takav edukacijski, okolišni, školski program, za sve uzraste, koji će odgojem i obrazovanjem modernih okolišnih kadrova , ali i jačanjem svijesti kroz opšte medijske kampanje te uključivanjem javnosti u proces donošenja odluka i provedbe mjera, osigurati pravilnu percepciju okolišnih problema.